

6. Der Sohn dem Vatter gehorsam war/  
 Er kam zu mir auff Erden :/:  
 Von einer Jungfraw rein vnd zart/  
 Er solt mein Bruder werden/  
 Gar heimlich führt er sein Gewalt/  
 Er gieng in einer armen ggestalt/  
 Den Teuffel wolt er fangen.
7. Er sprach zu mir/halt dich an mich/  
 Es soll dir ject gelingen :/:  
 Ich geb mich selber ganz für dich/  
 Da will ich für dich ringen/  
 Denn ich bin dein/vnd du bist mein/  
 Vnd wo ich bleib/da solt du seyn/  
 Uns soll der Feind nicht scheiden.
8. Vergiessen wird man mir mein Blut/  
 Darzu mein leben rauben :/:  
 Das leid ich alles dir zu gut/  
 Das halt mit vestem Glauben/  
 Den Todt verschlingt das Leben mein/  
 Mein Vnschuld trägt die Sünde dein/  
 Da bist du seelig worden.
9. Gen Himel zu dem Vatter mein/  
 Fahr ich auß diesem Leben :/:  
 Da will ich sein der Meister dein/  
 Den Geist will ich dir geben/  
 Der dich in Trübsal trösten soll/  
 Vnd lehren mich erkennen wol/  
 Vnd in der Waarheit leiten.
10. Was ich gethan hab vnd gelehrt/  
 Das solt du thun vnd lehren :/:  
 Damit das Reich Gottes werd gemehrt/  
 Zu Lob vnd seinen Ehren/  
 Vnd hüt dich vor der Menschen Gsaz/  
 Davon verdirbt der edle Schatz/  
 Das laß ich dir zur lege.

R F II